



ATASSUT

14.10.2015

Paninnguaq M. Kruse

UKA 2015/103

Kalaallit ujaraataasa erlinnartut uppernarsaatigisinnaasannik periarfissanik assigiinngitsunik nassuiaasioqullugit kingusinnerpaamik UPA 2016-mi saqqummiunneqartussamik Naalaakkersuisut peqquneqarnissaannik Inatsisartut aaliangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqatigiit)

Atassumiit ima oqaaseqarfigissavarput.

Inatsisartunut aalajangiiffingisassatut siunnersuutigineqartoq. Nunatta pisuussutai ujaqqat assigisaalu nunatta pigisai, ilisarnaaserneqartarnissaanut tunngatillugu piumasaqarnissamik Naalakkersuisunut misissueqqusineq UPA 2016-mut saqqummiusseqqullugit.

Tamanna siunnersuutigineqartoq Nunatta pigisaanut uppernarsaateqarnissamik siunnerfilimmik, aallaaviusussamut tunaartaliineq pitsaasuvoq.

Taamaattumik siunnersuut taperserparput, tunngaviusumik piffissarititaasoq eqqarsaatingalugu nalunarpoq ukiup affaanik taamatut misissuisitsinissaq naammannersoq.

Ilaatigut Nalakkersuisup akissutaani takusinnaasattit aatsaat aappaangu UKA 2016-mi tamanna misissuineq naammassineqarnissaanut piviusorsiornerusutut tikkuarpaa.

Ineriartorneq sukkaasoq nunatsinni pivoq, ilaatigut ingerlatsinermi ineriartorfioqisumi, eqqarsaatigalugu ataasiakkaarinnissamulluunniit sorleq pingaarnernerunersoq, aalajangernissamik tikkuangassaaruteqqasoqartarsinaavoq, taamaattumik suliat suliarilluangaatinnissaat ullumikkut pingaartinneqarpoq, aammalu tuaviuussaannngitsumik ingerlanneqarnissaat ilaatigut toqqammaviusarluni annertuumik.

Kisiannili una siunnersuut, isumaqatiginarluinnartuq Nunatta pigisaanut naqissusiinissamik ilisarnaaserneqarnissaannik piumasaqarneq, misissuinissaq ingerlanneqartussa UPA 2016-ip tungaanut, takorluungaq aamma isumaqatiginarpoq apeqqutaanginnarporli misissuinissami tamakkiisumik piumasarineqartut anguneqassanersut.



Taamaattumik Atassut-miik siunnersuut siunissaq eqqarsaatingalugu isumannaarinissamut aalliarfiusussamut Nunatta ujaraanik il.il. Piginnittuunermik uppersaaserneqartalernissaanik isuma kusanarluinnartuusooq, aammalu iluaqutaasussat annertuumik isingalutigu pisuussutitsinnik nalunaarusersuinissamut.

Nunatsinnimi inuiaqatitta nunap pisuussutai ullumikkut atorluarlugillu misissuisarnerat ingerlallualereersimavoq, ilaatigut takutinneqarpoq soqutigisaqarluinnartut avammut nittarsaassinermut ilaasalereersimallutik, taamaattumik nunatsinnut iluaqutaasussat periarfissinneqarluarnissaat aallaavittik suminngaanneernertillu eqqortumik nalunaarsorneqarnissaanut tamakkiisumik tapersormarput.

Aalajangiiffingisassat siunnersuut taamatut isikkoqartillugu akuersaarparput.

Qujanaq